

後村先生大全集

九

後村先生大全集卷第三十五

詩

洪秘監徐常丞有詩賀余休致次韻四首

還笏何須待
施紳世間無
價是元身為
梁父咏常存
漢累太元經
坐美新朝露
饒他夸奪子
曉星有幾典
刑人由來老
幹禁霜雪不
問東皇探借
春

其二

玉座分明念老臣
孤忠何路更前陳
無枯樹賦如開
府有病梨篇似
照鄰粥鉢不愁
餐鯁體蔬盤何
用膾
紛綸儘教巷靜
門羅爵絕勝山
空塚卧麟

其三

既哀戒得久書紳所得毫毛所失身疎傳畫圖傳不
朽胡公糞土謗如新古詢黃髮非無意今繫蒼生尚
有人吾老而休君未可時來偏與物為春

其四

好語噓枯極主臣未應公幹勝徐陳爭三十里敢言
智有百萬錢難買鄰殘燭苟留終斷簡瘦筇扶出拜
新論德星若肯過田舍只贈溪鮮代脯麟

和警齋侍郎二首

顏蒼鬢禿舊詞臣幾見臺家局面新
栖碧山中真大

隱立紅雲畔是前身魯公昔有賦千祿楊子今無賦
逐貧縱使未能追綺皓絕勝賜杖給扶人

其二

家傳豈有枕中方敢向堯朝議大難入高賢真率社
且尋童子釣遊鄉有西疇事咨衡宇無北山移諂草
堂獨恨才衰詩不進僅容摘艷更薰香

病起十首

架帙縱橫硯有埃先生久不至山齋散花魔已降摩
詰裹飯人誰訪子來又與杜康絕交矣併疎毛穎少
思哉幾時真得金篦力書債重償酒興開

其二

薄有桑麻在北溪
輜車懸了駕雞栖
專房安得莫愁妾
同穴除非法喜妻
薜掛屋梁聊藉草
螢穿窓隙勝然藜
謝公虛下問
簞淚輸與劉伶醉似泥

其三

未縱心年乞退休
垂八十更何求
相方好事下白屋
帝豈無人記玉樓
綬未必為翁子
福扇安能障彥回
羞吾詩絕似淵明
誄莫遣他人弄筆頭

其四

疊疊清談猶可聽
星星素髮不禁搔
昔如八駿走千

里今似九牛亡一毛吟苦都忘年事老寢甘始悟早
朝勞箕山只有人間世竟大如天未易逃

其五

有四宜休七不堪豈容華皓尚癡貪固難唐突耆英
社尚可追攀老學庵酷嗜蟹螯聊自酌高懸麈尾共
誰談吾聞多壽常多辱伯始何須飲菊潭

其六

昔與諸賢共造廷如風吹絮浪飄萍溘先忽忽同晨
露殿後暉暉獨曙星未肯肩隨金谷友幸留面見
堂靈伯倫舊與吾通譜欲往從之喚不醒

其七

酒戶詩壇聊爾耳也吟唧唧醉陶陶鯨魚翡翠兼羣
體螺贏螟蛉視二豪京落飲徒煩借問江湖社友謬
推高可憐小杜醺酣者浪許詩人僕命騷

其八

暮年字字費冥搜少作如山棄不收作美新文生失
節留封禪草死包羞懷中探錦都無幾身後懸金未
易求懊恨新來剛制酒世間何物可澆愁

其九

變風而下世無詩幼學西崑壯恥為老去僅名小家

數向來曾識大宗師百年不覺蟠雙鬢一字誰能斷
數髭誠叟放翁幾日死著鞭萬一詩肩隨

其十

有采二國書教厨一生受用小規模要令後裔師吾
儉不願多財使爾愚旋作續書傳福時偶成小楷付
奴自慙未至韓公地老語諄諄謾勸符

諸公載酒賀余休致水村農卿有詩次韻
聖世烏巢可俯窺乞食豈必避危機牛車徑駕史儋
出麟筆曾嘉季友歸迂叟相邀入真率乘崖安肯慕
輕肥山林深密雲天遠存關心寧不可磯

二和

日昔陳編懶更窺，博通似恐洩天機。
大愚苦要騎麟下，小黠猶能化鶴歸。
覓句瘦肩兩山聳，絕糧乾嚙上池肥。
平生慕用徐先輩，異世溪邊共一磯。

三和

別無穴隙可鑽窺，常恐冥行踐駭機。
恰則賜環煩內引，俄然双履已西歸。
都忘紫金煙花繞，絕喜青山筍蕨肥。
應被水村翁冷笑，爭墩未了又爭磯。

四和

覺海難將淺見窺，打色徑去契禪機。
何曾蝴蝶暫成

夢

誰勸歸江上風濤猶洶湧盤中泉土頗
甘肥恒當叱犢勤耕野不必然犀往照磯

五和

晡書深遠絕難窺止足書中向上機但看杖扶博山
入不知扇賜曲江歸年饑方慮溝中瘠肝食欲令天
下肥念此令人生內熱溪邊賴有滌煩磯見盧鴻草堂

六和

時事渾如坐井窺逢人不敢問邊機連營未寄寒衣
去故里何心晝錦歸笑矍翁鳶跼墮愛元真子鯁
魚肥綠陰多處宜垂釣莫管楸花落滿磯

七和

戶外荒園久不窺，枯樗已息漢陰機。
與雞窠老略相似，微鹿門翁誰與歸。
訓儉家纔支伏臘，力農田不問饒肥。
由來位重多憂責，未必沙隄勝石磯。

八和

指法金針不許窺，笑他貧女織寒機。
摘仙曲奏調羹賜之問詩成奪錦歸，
論定會盼銀信召春濃。漫如玉環肥，
梅妃目太婢溪邊鷗鷺偷相語，
只怕先生又下磯。
張乘產有失脚

九和

下魚磯之句

陸海潘江莫測窺手揮巧斲執神機昔如魯衛麟初
獲今似遼天鶴獨埤外物何殊竿木戲內丹不待藥
苗肥只愁戶外蒲輪至去坐絨羈勿坐磯

十和

高屋從來有鬼窺鐵門關枉費心機逃堯欲去未忍
去捨魯不歸何處埤款段馬知如狗大堂厨羊不侶
壕肥賜金未可都揮散要買荒山鶴斲磯

目青

一秋窓下少書聲目青纏綿久未平丈德三麻如昨
日善和十卷付來生眇今雖視如無見藉也於心固

不盲吹却殘燈拋蠹簡擁衾巍坐待天明

賀警齋吳侍郎被召

舊人僅有魯靈光銀星翩翩下帝傍
龍去十年閑卧洛鳳來一日再鳴陽
璽書下訪舅言急月食回思攬
味長善類合離閑世道祈公趣駕勿循牆

挽鄭甥主學二首

北轍心猶銳南廊策不遷
美芹干將相果薄淑生徒
賦鵬方疆仕聞雞漫壯圖
未應精爽盡丹穴有雙雛

其二

親則班子賢於輔
嗣甥莫舅終古訣炊黍靈時榮

先墓身為殉新邱手自營老人尤惜淚何況又偏盲

大淵寄道冠漢鏡各答以一首

已掛朝冠了煩君寄道冠頭蓬不梳久髮禿欲簪難
簡便烏巾贅清羸鶴氅寬兒童恠產異便作羽流香

其二

雁足傳書至蟾光出匣新真從古冶子曾照漢時人
昔作美年少今非妙色身明知皆夢幻莫認假為真
覽西齋弟子抄諸家詩一首

小窓幾載共吟披重見殘編拊事悲早日才高鸚鵡賦
暮年淚盡鵲鴿詩神交夢尚通康樂手澤書堪付阿

宜若是孔懷因未斷安知來世不吹簫

讀太白詩一首和竹溪

翰林萬里出峨眉曾受開元帝異知只道高爺能毀
鬪無端環子亦嗔癡空傳飛燕當時句難覓騎鯨以
後詩的是長庚星現世批糠伯友與王師

云下為伯友
上為王師

挽陳岩方隱君二首

長魯申公數歲餘占天隨子百弓居久拋科舉尋初
服不願君王載後車里有學人來問字朝無掌故就
傳書新春農告西疇事誰伴樗翁共荷鋤

其二

溪邊山房委折通每分半榻聽松風
翳成昔喜同浮白荔熟今悲自擘紅
宰上碑何慙有道城中人少識龐公
草雞勺酒新邱遠迢遞扶衰別殯宮

徐洪二公再和二詩余亦隨喜

腰臂拘攣倦芳紳箋天乞得水雲身
古書一點仁源合時事十莖鬢雪新
世重晚香并晚節更難全傳更全人
歲寒賴有梅相伴先向南枝漏洩春

其二

龍鍾渠可備藩臣半俸恩深勝在陳
重鼠少曾開牖

殺牛何必效東鄰箋天䟽許初還笏上水舡難更掌
綸幼讀學而渾忘却豈能歌鳳又書麟

其三

松風地籟瀑天紳下有苔磯著老身僵卧從教茅屋
破放歌不犯玉臺新陶元亮可義皇上管幼安非漢
魏人酒禁近來開一錢霜天便覺滿懷春

其四

久愧君恩祿具臣太倉非有國陳陳立朝到處老羞
窟避客經鄰年少覲鄰鶴夜失鳴猶給料魚寒不食
收綸小瓢如璽猶慵佩何況金龜與玉麟